

## **Vitæ D. N. Iesv Christi Monotessaron Evangelicum**

**Heser, Georg**

**Monachii, 1657**

168. Parabola decima nona, Ovis centesimæ perditæ, quam pastor  
requisivit.

---

---

**Nutzungsbedingungen**

[urn:nbn:de:hbz:466:1-56533](#)

D. N. IESV CHRISTI. 155

I I. Aut quis rex iturus committere bellum adversus alium regem, non sedens prius cogitat, si possit cum decem millibus occurrere ei, qui cum viginti millibus venit ad se: alioquin adhuc illo longè agente, legationem mittens, rogat ea, quæ pacis sunt.  
*Luc. 14. v. 31. & 32.*

III. Sic ergo omnis ex vobis, qui non renunciat omnibus, quæ possidet, non potest meus esse discipulus. *Luc. 14. v. 33.*

MEDITATIO CLXVIII.

Parabola XIX. *Ovis centesima perdita,*  
quam pastor requisivit.

I. Erant appropinquantes ei publicani & peccatores, ut audirent illum. Et murmurabant Pharisei, & Scribæ dicentes: Quia hic peccatores recipit, & manducat cum illis. *Luc. 15. v. 1. & 2.* Venit enim filius hominis salvare quod perierat. *Matth. 18. v. 11.*

II. Et ait ad illos parabolam istam, dicens. *Luc. 15. v. 3.* Quid vobis videtur? *Matth. 18. v. 12.* Quis ex vobis homo, qui habet centum oves: & si perdiderit unam (erraverit una, *Matth. 18. v. 12.*) ex illis, nonne dimittit nonaginta novem in deserto, (in montibus, *Matth. 18. v. 12.*) & vadit ad illam,

## 156 PARABOLÆ

lam, quæ perierat, (quærere eam, quæ er-  
ravit, *Matth. 18. v. 12.*) donec inveniat.  
eam? *Luc. 15. v. 4.*

III. Et si contigerit, ut inveniat eam,  
*Matth. 18. Vers. 13.* imponit in humeros  
suos gaudens: & veniens domum, convocat  
amicos & vicinos, dicens illis: Congratu-  
lamenti mihi, quia inveni ovem meam, quæ  
perierat. *Luc. 15. v. 5. & 6.* Amen dico vo-  
bis, quia gaudet super eam magis, quam su-  
per nonaginta novem, quæ non erraverunt.  
*Matth. 18. v. 13.*

IV. Dico vobis, quod ita gaudium erit  
in cælo super uno peccatore pænitentiam  
agente, quam super nonaginta novem justis,  
qui non indigent pœnitentiâ. *Luc. 15. v. 7.*  
Sic non est voluntas ante Patrem vestrum,  
qui in cælis est, ut pereat unus de pusillis  
iustis. *Matth. 18. v. 14.*

## MEDITATIO CLXIX.

*Parabola XX. Mulieris quærentis  
drachmam perditam.*

I. **Q**uæ mulier habens drachmas decem,  
si perdidit drachmam unam, nonne  
accendit lucernam, & everrit domum, &  
quærit diligenter, donec inveniat? *Luc. 15.*  
*Vers. 8.*

II. Et